

Headline	Hidangan pulut dibentuk Jalur Gemilang		
MediaTitle	Utusan Sarawak		
Date	28 Aug 2019	Color	Black/white
Section	TEMPATAN	Circulation	37,981
Page No	22	Readership	113,943
Language	Malay	ArticleSize	273 cm ²
Journalist	N/A	AdValue	RM 1,625
Frequency	Daily (EM)	PR Value	RM 4,874



Hidangan pulut dibentuk Jalur Gemilang

JERTIH: Pengunjung ke pasar tani kekal Nyior Tujuh di sini, petang semalam pasti teruja dengan pulut Jalur Gemilang berukuran 6 meter panjang dan 3 meter lebar yang dihasilkan oleh seorang peniaga wanita di pasar itu yang cukup kreatif dalam menunjukkan semangat patriotisme dan menambat hati pengunjung.

Zahila Zahari, 39, yang dibantu sembilan peniaga lain di situ, menggunakan 20 kilogram beras pulut dan tiga bahan pewarna mengikut warna bendera negara iaitu biru, kuning dan merah.

“Pulut itu saya kukus di rumah dengan santan kelapa dan bawa ke tapak pasar untuk dibentuk menjadi Jalur Gemilang. Saya mengambil masa kira-kira empat hingga lima jam bagi semua proses menyiapkannya termasuk mengukus pulut,” katanya ketika ditemui Bernama di sini, semalam.

Sebelum ini beliau pernah menghasilkan Jalur Gemilang berasaskan kek namun



PEGAWAI Lembaga Pemasaran Pertanian Persekutuan (FAMA) Daerah Besut/Setiu Abd Rashid Che Muda (tiga, kanan) dan para peserta Pasar Tani Kekal (PTK) Kampung Nyior Tujuh membuat pulut bercorakkan Jalur Gemilang sempena Program Khas Kibar Jalur Gemilang semalam. Jalur Gemilang itu dibuat melalui inisiatif peserta dengan mengeluarkan belanja sendiri dengan 20 kilogram pulut bagi menyiapkan Jalur Gemilang tersebut. Abd Rashid memberitahu Bernama, pulut itu kemudiannya diagih-agihkan kepada pengunjung pasar tani yang datang membeli di Pasar Tani Khas itu. • Foto Bernama

pembuatan menggunakan beras pulut adalah pertama kali dan ia adalah yang terbesar pernah dihasilkannya.

Tambah Zahila, pulut yang menelan belanja kira-kira RM300 itu akan dihidangkan kepada pen-

gunjung pasar itu sehingga pukul 6.00 petang ini bersama inti kelapa manis.
– Bernama